



CONCELLO DE SAN SADURNIÑO (A Coruña)
correo@sansadurnino.dicoruna.es
R.E.L. n_ 1575001. N.I.F.: P1507700A

Avda. Marqués de Figueroa, s.n.
15560-SAN SADURNIÑO
Telf.: 981 495 205-Fax: 981 490474

ANUNCIO

O Pleno deste Concello, na sesión celebrada o pasado día 3 de novembro de 2007, acordou aprobar provisionalmente a modificación ou reformulación das Ordenanzas Fiscais que seguidamente se indicarán. Exposta ó público a devandita aprobación provisional, mediante publicación de anuncio no BOP nº 258, do 8 de novembro de 2007, sen que se presentase reclamación ou alegación algunha, mediante o presente publícanse os textos íntegros desas Ordenanzas Fiscais, que son os seguintes:

ORDENANZA FISCAL Nº 13, **REGULADORA DA TAXA POLA PRESTACION** **DO SERVIZO DE ENSIANZAS ESPECIAIS EN** **ESTABLECEMENTOS DOCENTES MUNICIPAIS**

Artigo 1º.- Fundamento e Natureza.

En uso das facultades concedidas polos artigos 133.2 e 142 da Constitución e polo artigo 105 da Ley 7/1995, do 2 de abril, reguladora das Bases de Reximen Local, e de acordo co disposto nos artigos 15 ó 19 do Texto Refundido da Lei de Facendas Locais, aprobado por Real Decreto Legislativo 2/2004 de 5 de marzo, este Concello establece a Taxa pola prestación do servizo de ensinanzas especiais en establecementos docentes do Concello de San Sadurniño, que se rexirá pola presente Ordenanza Fiscal, aténdose as súas normas ó previsto no artigo 20, apartados 1, letra b) e 4, letra v), e no artigo 58 da xa citada Lei 39/1988.

A prestación dos servizos ós que fai referencia a presente ordenanza terá a consideración de servizo público local, de conformidade co establecido nos artigos 25-2-n) e 85 da devandita Lei 7/1985.

Artigo 2º.- Feito Impoñible.

Constitúe o feito imponible da Taxa a prestación de servizos consistentes nas ensinanzas impartidas en tódolos establecementos docentes de titularidade municipal, e principalmente no Centro Socio Cultural e no Pabellón Polideportivo do Concello de San Sadurniño.

Artigo 3º.- Devengo.

1.- A taxa considerarase devengada, nacente a obriga de contribuir, cando se inicie a prestación do servizo, aínda que poderá ser esixido o depósito previo do seu importe total cando se formule a solicitude de prestación ou recepción do servizo obxecto da presente ordenanza.

2.- O periodo impositivo para as Escolas Culturais Municipais impartidas no Centro Socio Cultural e noutros centros será o trimestre natural, devengándose a taxa no primeiro día do periodo impositivo.

3.- As Escolas Deportivas Municipais e os talleres, seminarios, cursiños e similares, terán como periodo impositivo a totalidade da súa duración.

4.- A baixa na recepción do servizo deberá ser solicitada por escrito diante do Concello antes do inicio do trimestre natural en que a baixa deba ter efectos. En caso contrario, producirase o devengo da taxa correspondente a ese periodo, aínda que o usuario non participe nas actividades ou ensinanzas obxecto da presente Ordenanza.

Artigo 4º.- Suxeitos Pasivos.

Son suxeitos pasivos contribuíntes as persoas físicas ou xurídicas e as entidades a que se

refire o artigo 33 de Lei Xeral Tributaria, que soliciten os servizos de ensinanza especiais impartidas en establecementos de titularidade municipal e as que resulten beneficiadas ou afectadas polos mesmos.

Artigo 5º.- Responsables

1.- Responderán solidariamente das obrigas tributarias do suxeito pasivo as persoas físicas e xurídicas a que se refiren os artigos 38.1 e 39 da Lei Xeral Tributaria.

2.- Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 40 da Lei Xeral Tributaria.

Artigo 6º.- Bases de imposición e tipos de gravamen.

1.- As bases de imposición e tipos de gravamen son os comprendidos nas seguintes tarifas:

Feito imponible	Cuota
Talleres, seminarios, cursiños e similares, dun día de duración	6 €
Talleres, seminarios, cursiños e similares, por cada hora de duración posterior ó primeiro día	1,50 €
Escolas Culturais Municipais, para maiores de 18 e menores de 65 anos, por cada trimestre ou fracción de duración	27 €
Escolas Culturais Municipais, para menores de 18 e maiores de 65 anos, así como titulares de carné xove, estudantes, pensionistas e familias numerosas por cada trimestre ou fracción de duración	18 €
Escolas Deportivas Municipais, para maiores de 18 e menores de 65 anos por cada trimestre ou fracción de duración	27 €
Escolas Deportivas Municipais, para menores de 18 e maiores de 65 anos así como titulares de carné xove, estudantes, pensionistas e familias numerosas por cada trimestre ou fracción de duración	18 €

2.- As anteriores tarifas actualizaranse anualmente e de forma automática segundo o índice de prezos ó consumo (IPC) publicado polo Instituto Nacional de Estatística.

Artigo 7º.- Exencións e bonificacións.

Non se concederá exención nin bonificación algunha na exacción da presente Taxa, agás as previstas en normas con rango de lei ou as derivadas de aplicación dos tratados internacionais, resultando de aplicación, en todo caso, canto se dispón co artigo 9 da Lei Reguladora de Facendas Locais.

Artigo 8º.- Liquidación e recadación.

1.- Devéngase a Taxa e nace a obriga de contribuir cando se inicie a prestación do servizo.

2.- O pago da Taxa realizarase por ingreso directo na Tesourería Municipal.

3.- Este ingreso terá carácter de depósito previo, consonte co disposto no artigo 26.1.a) da Lei 39/1988, do 28 de decembro, modificada pola Lei 25/1988, do 13 de xullo, quedando elevado a definitivo ó iniciarse a prestación do servizo obxecto da presente Ordenanza por cada un dos

periodos de cobro.

Artigo 9º.- Normas de xestión.

1.- A recepción das ensinanzas especiais establecidas na presente Ordenanza solicitarase no modelo normalizado que se facilitará ós interesados nas oficinas municipais.

2.- O inicio e duración de cada actividade anunciarase oportunamente nos lugares de costume, facéndose constar no anuncio as ensinanzas especiais que se ofertan e o seu posible horario, así como o prazo para a presentación de solicitudes de admisión ás mesmas.

Rematado o prazo que se estableza no anuncio, as persoas interadas poderán presentalas súas solicitudes de admisión, sempre e cando existan prazas nas actividades de que se trate.

3.- Presentada a instancia no Rexistro Xeral do Concello, os interesados deberán ingresar o importe do depósito previo ó que se fai referencia no artigo 8º, desta ordenanza, segundo liquidación que se practique pola Secretaría-Intervención á vista de dita solicitude, e polo importe dunha ou varias cotas mensuais.

4.- Rematado o prazo para a presentación de solicitudes de admisión ás ensinanzas especiais, a Alcaldía aprobará a relación provisional de admitidos, que se fará pública no Taboleiro de Anuncios do Concello, concedéndose un prazo de cinco días hábiles, ós efectos de reclamacións, contados a partir do día seguinte a dita publicación.

Rematado dito período de exposición, a Alcaldía-presidencia resolverá as reclamacións que se presentasen e aprobará a lista definitiva de admitidos e excluídos, elevando a definitivos os depósitos previos efectuados polos interesados. No caso de que non se presenten reclamacións, considerarase definitiva a lista provisional e elevaranse a definitivos os depósitos previos efectuados polos interesados, automaticamente.

5.- As persoas que presentasen as súas solicitudes de admisión ás ensinanzas especiais fóra do prazo fixado serán admitidas por resolución da Alcaldía, só no caso de que existiran prazas disponibles, e previo cumprimento do requisito sinalado no punto 3 deste artigo.

Artigo 10º.- Infraccións e Sancións.

En todo o relativo á cualificación de infraccións tributarias, así como das sancións que as mesmas correspondan en cada caso, estarse ó previsto nos artigos 77 e seguintes da Lei Xeral Tributaria e disposicións concordantes.

Disposición Final.

A presente ordenanza fiscal entrará en vigor o día seguinte da súa publicación no Boletín Oficial da Provincia, e comezará a aplicarse a partir do día primeiro de xaneiro de 2008, permanecendo en vigor ata a súa modificación ou derogación expresas.